

ԱՐՈՒՃԻ VII Դ. ՏԱՃԱՐԻ ՇԻՆԱՐԱՐԱԿԱՆ ԱՐՁԱՆԱԳՐՈՒԹՅԱՆ
ՎԵՐԾԱՆՄԱՆ ԱՌԹԻՎ

Ա. Ն. ՇԱՀԻՆՅԱՆ

Միջնադարյան հայ վիճագրության ուսումնասիրությունը հասել է զարգացման այնպիսի աստիճանի, որ ցարդ հավաքված հազարավոր արձանագրությունների (հրապարակված ու չհրապարակված) գրչության և հնագրության մեզ ընձեռած տվյալներով միանգամայն հնարավոր է ստույգ որոշել եկասկածելի թվացող մի շարք արձանագրությունների ժամանակագրությունը: Այդպիսի «կասկածելի» արձանագրություններից է Արուսի VII դարի հայտնի տաճարի շինարարական հիշատակագրությունը:

Արուսի հուշակավոր տաճարի արևելյան պատին, գետնից ոչ շատ բարձր, հատուկ շրջանակի մեջ, միակտոր քարի վրա փորագրված է հուշարձանի կառուցմանը վերաբերող ճ տողանոց երկաթագիր մի արձանագրություն: Այն մեզ է հասել միանգամայն լավ վիճակում, ընթերցվում ու վերծանվում է դյուրությամբ և բազմիցս հրատարակվել է¹: Չնայած դրան նկատելի է փոքրիկ, բայց էական մի բացթողում: Ահա այն՝ վաստակաշատ ու հմուտ գիտնական Գ. Հովսեփյանի վերծանմամբ և մեր լրացմամբ.

«Ի, Ե(Թ): ԱՄԻ ԿՈՍՏԱՆՏՆԻ ՄԱՐԵ-

ՐԻ ԱՄՍՈՑ, ՈՐ ԱԻ[Ր]Ժ ԵԻՆ ԶԻՄՆ-

ԱՐԿԵՑԱԻ ՍՈՒՐԲ ԿԱԹՈՂԻԿԷՍ

Ի ՁԵՌՆ ԳՐԻԳՈՐԻ ՄԱՄԻԿՈՆԵՆԻ

ՀԱՅԻՈՑ ԻՇԽԱՆԻ ԵԻ ԶԵՂԻՆԷ-

Ի ՆՈՐԻՆ ՋՈՒԳԱԿԸՑԻ,

Ի ԲԱՐԵՆԱԻՍՈՒԹԻՆ ՇԻՆԱԻ-

ՂԱՑ ԶՍԱՅ:

Արձանագրությունն իր գրչությամբ, հնագրությամբ և նույնիսկ լեզվական առանձնահատկություններով միանգամայն համապատասխանում է VII դ. ոճին: Այդ է ապացուցում նրա մանրազնին համեմատությունը VII դ. հայերեն բազմաթիվ այլ վիճագրական նմուշների հետ²:


Արձանագրության քարի ֆակտուրան, տեսակն ու տեղական նարնջագույն երանգը, մանավանդ, նրա մշակումն այնքան ներդաշնակ են հուշարձանի պատի շարված մյուս քարերին, որ տարակույս անգամ լինել չի կարող, որ այն ժամանակակից է շենքին: Այս և պատի մյուս քարերի եզրակոսները, վերին աստիճանի նուրբ ու միաժամանակյա միացումներն այդ տեսակետի լավագույն հաստատումն են:

Ուսումնասիրողների մեծագույն մասը՝ Մ. Տեր-Մովսիսյանը, Մ. Տեր-Մկրտչյանը, Գ. Հովսեփյանը, Ղ. Ալիշանը, Ի. Ստրժիգովսկին, Վ. Հարությունյանը, Ն. Տոկարսկին, Ստ. Մնացականյանը, Գ. Զուրինաշվիլին, ինչպես նաև Կ. Ղաֆադարյանը, Ս. Բարխուդարյանը իրավացի կերպով գտնում են, որ Արուսի թե՛ արձանագրությունը և թե՛ նրա քարը տաճարի օրդանական մասն են կազմում և ժամանակակից են հուշարձանին:

¹ И. А. Орбелн, Избранные труды, Ереван, 1963, стр. 402, 421—2. Հեղինակներից ոչ մեկը չի նկատել, որ արձանագրության առաջին տողի «թ» թվանշանը երկու գծիկի մեջ է առնված:

² Գ. Հովսեփյան, Քարտեզ հայ հնագրության, «Շողակաթ», հայագիտական ժողովածու, դիրք առաջին, Վաղարշապատ, 1913, էջ 117: Հեղինակը մոռացել է նշել արձանագրության թվական արտահայտող տառերի վերևում և ներքևում եղած պատիվները, թեև իր իսկ «հրատարակած լուսանկարում դրանք պարզորոշ երևում են: «Հայիոց» բառի «ի»-ն հեղինակը դարձրել է «ա», որը բացահայտ վրիպում է, ինչպես նկատել է Հ. Օրբելին (տե՛ս նրա նշվ. աշխ., էջ 421):

³ Տառերի համեմատությունը տե՛ս էջ 80:



Ակադեմիկոս Հ. Օրբելին, շտարակուհիով անգամ տաճարի շինության ժամանակի և այն կառուցող Գրիգոր Մամիկոնյանի անձնավորության VII դ. պատկանելու մասին, այնուամենայնիվ արձանագրության գրության ժամանակի կապակցությամբ հայտնում է մի շարք կասկածներ, որոնք իրեն դրդել են Արուսի տաճարի շինարարական արձանագրության ժամանակը համարել XI դ. նա գրել է.

1. «Արձանագրությունը չէր կարող թվագրված լինել Կոնստանտ-Կոնստանտինի իշխանության 29-րդ տարում, քանի որ նա Հերակլի որդի Կոնստանտինի մահից հետո սպանվեց իր իշխանության 27-րդ տարում»⁴:

2. «Հայրոց»-ում իհարկե ոչ մի բարբառայնություն չունենք: Ակնհայտ այդ սխալ փորագրությունն առաջացել է հավանաբար այն բանի հետևանքով, որ արձանագրության գրիչը, անորոշ դեմքով փորագրելով «հայ» բառը, այնուհետև սկսել է փորագրել «իշխան» բառը, բայց հետո շտկել է իր սխալը՝ չփորագրելով դրան կից սխալ արտահայտված տառերը: Եթե այդ այդպես է, ապա «հայ իշխան» ձևի ամենահավանական արտահայտությունը ցույց է տալիս գրչի կողմից այդ տիտղոսի նշանակության անհասկանալիությունը, հետևաբար արձանագրությունն էլ ուշ շրջանի գործ է»⁵:

3. «Մյուս անճշտությունը կայանում է թիվ արտահայտող 4 տառերի վերևում և ներքևում գրվող համապատասխան պատիվների բացակայությամբ: Այս մանրույթը շատ կարևոր է այնքանով, որքանով փաստաթղթում հարաբերականորեն, թեև սխալ, թվերը մինչև VII դ. հատուկ հետաքրքրություն են ներկայացնում, հատկապես հուշարձանի թվագրության համար»⁶:

4. «Բոլոր դեպքերում արձանագրությունը արտաքինապես վստահորեն կարելի է վերագրել մինչև XI դ.»⁷:

Հուշարձանների կառուցման արձանագրությունների արտագրությունների իսկական փաստեր ունենք Մաքենյաց վանքում, Հացառատում, Մարմաշենում և այլուր, որտեղ կոնկրետ կերպով նշված են երբեմն դրանց արտագրության նույնիսկ ժամանակը: Ինքնին հասկանալի է, որ նման արտագրված արձանագրություններն էլ գրվությամբ ու հնագրությամբ միանգամայն հարիր են իրենց ժամանակի ողուն: Նշենք թեկուզ Հացառատի IX դ. կենտրոնագմբթ հայտնի հուշարձանի

4 И. А. О р б е л ь, Избранные труды, стр. 402.

5 Նույն տեղում, էջ 421:

6 Նույն տեղում, էջ 421:

7 Նույն տեղում, էջ 423.

կառուցման արձանագրության օրինակը, որն ավարտվում է՝ «Իսկականից արտագրվեցաւ 1895 թ.»⁸ տողով:

Անդրադառնանք Հ. Օրբելու հիշյալ նկատառումներին:

1. Հնագրության հարցում չի կարելի համաձայնվել հարգելի գիտնականի հետ, բանի որ արձանագրությունում փորագրված Հ, Կ, է, Խ, Ե, Ը, Ա, Զ, Ն, Յ, Զ. 3 և մի շարք այլ տառերի համեմատությունը Տեկորի, Օձունի, Զովունիի, Պողնիի, Հոփսիմեի, Բազավանի, Վ. Քալինի, Մաստարայի և ուրիշ հնագույն տառերների V—VII դարերի արձանագրությունների հետ ակնբախ զկայում են այն մասին, որ Արուճի տառարի հիշյալ արձանագրությունը թե՛ իր գրչությամբ և թե՛ հնագրությամբ միանգամայն համապատասխանում է այդ դարերի հայերեն տառաձևերի ոճին: (Ստորև, ներկայացնում ենք V—VII դդ. հայերեն հնագույն տառաձևերի ժամանակագրական մի փոքր ցուցակ, տես տախտակը):

Տեկոր V դար	Զովունի V—VI դար	Օձուն V—VI դար	Երևանգիմ V—դար	Պողնի V—VII դար	Հոփսիմե 618 թ.	Բազավան 639 թ.	Սիւնիք V—VI դար	Մաստարա V—VI դար	Անձավ V—VI դար	Արուճ 605/616 թ.	Վ. Քալին 783 թ.	Աղթախար 915—920 թ.	Հայտն 991 թ.
Ա	Ա	Ա	Ա	Ա	Ա	Ա	Ա	Ա	Ա	Ա	Ա	Ա	Ա
Ե	Ե	Ե	Ե	Ե	Ե		Ե	Ե	Ե	Ե	Ե	Ե	Ե
Օ	Օ		Օ		Օ	Օ			Օ			Օ	
Ը	Ը		Ը		Ը	Ը		Ը	Ը	Ը	Ը	Ը	Ը
Գ									Գ	Գ		Գ	Գ
Ի	Ի	Ի	Ի		Ի			Ի	Ի	Ի	Ի	Ի	Ի
Խ			Խ						Խ	Խ	Խ	Խ	Խ
Կ		Կ	Կ		Կ	Կ	Կ	Կ	Կ	Կ	Կ	Կ	Կ
Հ			Հ		Հ	Հ	Հ	Հ	Հ	Հ	Հ	Հ	Հ
Մ			Մ	Մ	Մ	Մ			Մ	Մ	Մ	Մ	Մ
Ն	Ն	Ն	Ն	Ն	Ն	Ն	Ն	Ն	Ն	Ն	Ն	Ն	Ն
Ը	Ը		Ը		Ը			Ը	Ը	Ը	Ը	Ը	Ը
Տ	Տ		Տ	Տ	Տ	Տ			Տ	Տ	Տ		
Յ	Յ		Յ	Յ	Յ	Յ	Յ	Յ	Յ	Յ	Յ	Յ	Յ

⁸ Ս. Խ. Մնացականյան, Հայկական ճարտարապետության Սյունիքի դպրոցը, Երևան, 1960, էջ 22:

Այդ եւս վկայում նաեւ պրոֆ. Կ. Ղաֆադարյանի կազմած հայկական տառերի հնագրության հանրածանոթ աղյուսակի տվյալները⁹։

Անդամ ուղղագրական և արտահայտչական մի շարք բառաձևեր՝ ինչպիսիք են «Հիմնարկեցաւ», «Շինաւդ», «Մամիկոնեհի» և այլն, ձայնակցում են Տեկորի, Հոփսիմեի, Նախիչևանի V—VII դդ. վիճական արձանագրություններում տեղ գտած համանման բառաձևերին և արտահայտություններին¹⁰։ «Ջուգակըցի» գրեթե նույն հանդիպող ավելորդ ք-ն վերականգնված է Գոմուրիի V—VII դդ. և Մաստարայի VII դ. արձանագրություններում՝ Գըթունեաց, Գընունեաց ձևով։

Արուճի տաճարի շինարարական արձանագրության VII դ. պատկանելու հնագիտական կարևոր հատկանիշներից մեկն էլ կապերի իսպառ բացակայությունն է նրանում։ Նրա առաջին երկու տողերում միայն կան թվանշան արտահայտող չորս տառեր, որոնք ճիշտ կերպով նշված են պատկերներով։ Տվյալ դեպքում այս երևույթը արձանագրության թվագրության տեսակետից խիստ կարևոր է, որովհետև IX—XI դդ. արդեն կապերն ու հապավումները գրեթե միշտ, որպես կանոն, առկա են վիճական արձանագրություններում։ Այս առումով չի կարելի համաձայնվել Գ. Ն. Զուրինշվիլու այն կարծիքին, թե արձանագրության 2—3-րդ տողերում նշված «Հիմնարկեցաւ» բառն իր անհարկ է VII դ. ոճին և դրա փոխարեն առաջարկում է «շինեալ», թեև այդ դեպքում այն պետք է գրվեր ոչ թե «շինեա», այլ «շինեցաւ», քանի որ «Հիմնարկեցաւ»-ն իր այդ տեղում օգտագործված է ճիշտ՝ բայի կրավորական կերպի անցյալ կատարյալ ժամանակի, եզակի երրորդ դեմքով։ Սակայն դա հիմք չի տալիս արձանագրությունն ամբողջությամբ VII դ. այս կողմ բերելու։ Բոլորովին էլ պատահական չէ, որ Հ. Օրբելին այդ հարցին չի անդրադառնում։

Այսպես, օրինակ, Տեկորի տաճարի V դ. շինարարական արձանագրության մեջ նույնպես օգտագործված է «Հիմնարկեցաւ», Բազավանի ս. Հովհաննես եկեղեցու 639 թվակիր արձանագրության մեջ՝ «Հիմնարկեալ»¹², Բազարանի տաճարի 631 թ. արձանագրության մեջ՝ «ձգեաց Հիմունա»¹³, «Այամնիս ս. Անանիա եկեղեցու արձանագրության մեջ՝ «շինեցաք»¹⁴ (շինել բայից), իսկ Մրենի տաճարի 639—640 թ. արձանագրության մեջ՝ «շինեցաւ»¹⁵ և այլն։

Սակայն, ի տարբերության Բազավանի և Բազարանի վերոհիշյալ արձանագրությունների՝ Արուճի արձանագրության մեջ նշված «Հիմնարկեցաւ»-ը պետք է հասկանալ ոչ միայն հիմքը դրվելու «հուշարձանի հիմնադրելու», այլ տաճարի կառուցումն ավարտելու իմաստով¹⁶, այլապես անհասկանալի կդառնար նրանում հիշատակված շինարարության տարին, ամիսն ու ամսաթիվը, առանց նշելու նրա ավարտը։ Բազարանի 631 և Բազավանի 639 թվակիր շինարարական արձանագրություններում, հուշարձանների հիմնադրման թվարկության հիշատակման հետ մեկտեղ, նշված են նաև նրանց ավարտի թվականները¹⁷։ Եվ դա հասկանալի է։ Ուստի կարծում ենք, որ Արուճի տաճարի արձանագրության մեջ հիշատակված տարեթիվն, ամիսն ու ամսաթիվը ճիշտ կլինի վերագրել տաճարի շինարարության ավարտին ու թերևս նաև նրա օծմանը։

2. Արձանագրության թվագրության ոչ ճիշտ լինելու հարցում Հ. Օրբելին, որպես ամենածանրակշիռ փաստարկ, առաջ է բաշում նրանում թվանշան արտահայտող տառերի վրա գրվող համապատասխան պատկերների բացակայության հանգամանքը։ Սա ուղղակի վրիպում է և ուրիշ ոչինչ, որովհետև տեղում մեր կատարած հուշարձանի զննումները և արձանագրության լուսանկարի վրա պարզ երևացող հիշյալ թվանշանների վերևում և ներքևում փորագրված համապատասխան պատկերները այդ տեսակետի լավագույն հերքումն են։ Մեր կարծիքով Հ. Օրբելու այդ վրիպումն առաջացել է Գ. Հովսեփյանի արձանագրության վերծանության հրատարակության մեջ այդ պատկերները շնչելու հետևանքով, որը ստուգելու հնարավորություն Հ. Օրբելին չի էլ ունեցել։

⁹ Կ. Ղաֆադարյան, Հայկական գրի սկզբնական տեսակները, Երևան, 1939, էջ 86։

¹⁰ И. А. Орбели, Избранные труды, стр. 408, 411—412.

¹¹ Г. Н. Чубинашвили, Разыскания..., стр. 116.

¹² И. А. Орбели, Избранные труды, стр. 393.

¹³ Նույն տեղում, էջ 395։

¹⁴ Նույն տեղում, էջ 397։

¹⁵ Նույն տեղում, էջ 401։

¹⁶ «Հիմնարկեալ»-ը այդ իմաստով էլ օգտագործվել է Գոմուրի և Ալայազի հուշարձանների վիճական արձանագրություններում. տե՛ս Ս. Բարխուդարյան, Դիվան հայ վիճագրության, Երևան, 3-րդ հ., 1967, էջ 108, 193։

¹⁷ И. А. Орбели, Избранные труды, стр. 397, 401.

3. Արուճի տաճարի հիշյալ արձանագրությունը XI դ. թվագրելու պատճառներից մեկն էլ համարվել է նրա գրչի անգրագիտությունը և որպես փաստարկ մեջ է բերվում նրա Զ-րդ տողում փորագրված «Հայիոց» բառակերպը, փոխանակ «Հայոց»-ի՝

Հ. Օրբելին ենթագրում է, որ արձանագրության գրիչը «Հայոց» բառի «Հայ»-ը փորագրելուց հետո սկսում է փորագրել «իշխան» բառի «ի» տառը, բայց անմիջապես հետո զգալով իր սխալը՝ «ի»-ից հետո ավելացնում է «ոց» և ստանում այժմյան «Հայիոց» բարբառային ձևը՝

Հարգելի գիտնականը չի ընդունում, որ «Հայիոց»-ը բարբառային արտահայտության ձև է։ Սակայն պետք է կարծել, որ «Հայիոց»-ը, եթե իրոք բարբառային արտահայտություն չէ, ապա լոկ գրչի միամիտ վրիպում է և ճիշտ չի լինի դրանից այդպիսի ծանրակշիռ եզրահանգումներ կատարել, քանի որ հեղինակին ևս հայտնի են VII և այլ դարերի մեր գրիչների թույլ տված նման սխալները, որոնց մասին հաճախ խոսում է և ինքը¹⁸։

Բացի այդ, գրաբար լեզվից ամեն մի շեղում անպայման վրիպակ կամ սխալ չէ։ Այդ իմաստով ճիշտ են այն գիտնականները (Կ. Ղաֆադարյան, Ս. Բարխուդարյան), որոնք հայ վիճագրության մեջ երբեմն հանդիպող վրիպակ կամ «սխալ» թվացող շատ բառեր համարում են ժամանակի, լեզվի և բարբառի արտահայտություններ։

Հոփսիսի մեծ տաճարում օրինակ՝ VII դ. (618) գեղագիր արձանագրության գրիչը առաջին տողի վերջում «սրբոյ» բառի «սր» փորագրելուց հետո սկսել է փորագրել «բ» տառը, բայց այնուհետև նրա ուղղահայաց ստեղծ փորագրելուց հետո թողնում է այն կիսատ և «բ»-ն տեղափոխում երկրորդ տողի սկզբին¹⁹։

Գեղամա լեռներում գտնվող VII դ. կոթողներից մեկի արձանագրության մեջ²⁰ մեկ այլ գրիչ երկու տառ է բաց թողնում և միայն արձանագրությունը փորագրել-ավարտելուց հետո նկատելով դա, համապատասխան տառեր ավելացնում այդ բառերի վերևում։

Դեռ ավելին, Հոփսիսի մեծ տաճարի VII դ. երկու արձանագրություններում «Հոփսիսիմէ» անձնանունը գրված է մի դեպքում «Հոփսիսիմեն», մյուս դեպքում «Հոփսիսիմէ»²¹։ Եվ կամ Բազարանի 631 թ. միևնույն արձանագրության մեջ «Բոստ» անձնանունը մի դեպքում գրված է «Բոստ», մյուս դեպքում «Բոստ»²²։ Եվ ոչ ոք դրա համար արձանագրությունը չի համարում ավելի ուշ շրջանի գրվածք։

4. Արուճի տաճարի արձանագրության շորորոդ անճշտությունը Հ. Օրբելին համարել է նրա թվագրության մեջ գոյություն ունեցող երկու տարվա տարբերությունը։ Այս հարցում Հ. Օրբելին իրավացի է այնքանով, որքանով նրանում նշված «Էի եւ Թ» ամի Կոնստանտինի հատվածը ցույց է տալիս, որ տաճարը կառուցված պետք է լիներ Կոնստանտին-Կոնստանտինի թագավորության 29-րդ տարում, այնինչ նա իրոք, որ թագավորել է միայն 27 տարի (641—668 թթ.)²³։

Պետք է նշել, որ այստեղ գրչի սխալն ակնհայտ է. որի համար էլ նա «Էի եւ Թ» ամի թվանշանի «Թ»-ն առել է փակագծի մեջ (Թ), որը բավականին պարզ նկատվում է տեղում և լուսանկարում։ Որքան էլ տարօրինակ թվա, այդպիսով արձանագրության գրիչն իր սխալն ուղղել է։ Հարկավ սխալ է, «Էի» և «Թ» (=29) թվանշանի (Թ) (=9) միավորը, որը, հավանաբար, պետք է լիներ «Էի» և «Դ» (=24) և առաջացած լիներ «Դ» և «Թ» տառերի հնչյունային և կամ ինչպես Հ. Օրբելին է ենթադրում՝ հինգ և ինը թվերի շփոթությունից²⁴։ Այստեղ մեկ կամ երկու տարվա տարբերությունն առանձնապես էական չէր չի կարող խաղալ, քանի որ մեր պատմիչների

¹⁸ И. А. Орбели, Избранные труды, стр. 391, 393, 407, 408 и т. д.

¹⁹ И. А. Орбели, Избранные труды, стр. 407. Հեղինակը առաջին տողի վերջում «սր» դարձրել է «սը», կարծելով, որ պետք է լինի «սրբ» և ապա «բոյ», այնինչ «սր» է, իսկ երկրորդ տողի սկզբում «բոյ»—«սրբոյ»։ «Շողակաթ», էջ 172, տախտակ Բ, լուսանկար 3։

²⁰ Իրավացի չէ Մ. Ռոստովցևը, երբ արձանագրությունը թվագրում է X դ.։ Sб'и М. Ростовцев. Апаранская греческая надпись царя Тхридата, Анийская серия, № 6. СПб., 1911, стр. 30. Այդ տեսակետի քննադատությունը տե՛ս մեր А. Н. Шагинян, Армянские хачкары (крестные камни) и их надписи (IX—XIII вв.)—Автореферат, Ереван. 1970, стр. 6—7.

²¹ И. А. Орбели, Избранные труды, стр. 407, 408.

²² Նույն տեղում, էջ 391, 393.

²³ Հ. Մանանդյան, «Պատմության տեսություն հայ ժողովրդի պատմության», հ. Բ, Բ մասի նյութեր, Երևան, 1960, էջ 390։

²⁴ И. А. Орбели, Избранные труды, стр. 423.

և հատկապես Կ. Գանձակեցու վկայությամբ տաճարը կառուցվել է Անաստասի կաթողիկոսության 24-րդ տարում, այսինքն 665/666 թթ.²⁵:

Միջնադարյան հայերեն վիճակաճարձանագրություններում գրիչների նման սխալ թվագրություն, այն էլ ոչ թե մի քանի, այլ 30 և ավելի տարիների տարբերությամբ փաստերի հանդիպում ենք նաև այլուր: Այսպես, օրինակ, Կեչառիսի XI դ. Գրիգորաշեն տաճարի շինարարական արձանագրության մեջ գրիչը սխալվել է ամբողջ 30 տարով և փոխանակ այն թվագրելու ՆԾԲ (=1003) փորագրել է ՆԶԲ (=1033), որն ականայտ սխալ է²⁶:

Ինչպես հայտնի է, Զաքարյան Սարգիս ամիրսպասալարը մահացել ու թաղվել է Սանահնի վանքում՝ 1187 թ., բայց Հոռոմայրի 1188 թ. մի արձանագրության մեջ նա դեռևս ողջ է համարվել²⁷: Եվ կամ, նույն այդ Սարգիս ավագ օրդին՝ Ղորահրամանատար՝ Զաքարե Շահնշահը, որը նույնպես թաղվել է Սանահնի վանքում 1212/28 թ.²⁸ Խժկոնքի 1213 թ. մեկ այլ արձանագրության մեջ կենդանի է համարվել:

Ավելի շրջադարձակվելու համար նշենք, որ Արուճի նույն այդ տաճարի հարավային սյուսին Սմբատ Շահնշահի անունից գրված X դարի արտոնագիր-արձանագրության գրիչը այն թվագրել է Բնջա և ապա զղալով իր այդ սխալը՝ դրա կողքին փորագրում է արդեն ճիշտ՝ ՆԼՁ նոր թվականը, առանց ջնջելու նախկինը՝ «Ցանուն Ա(ստուծո)յի ՆԶ թուական, ՆԼՁ (—987) Ես Սմբատ Շահնշահ...»:

Այս և նման բազմաթիվ օրինակները ցույց են տալիս, որ միջնադարյան մի շարք գրիչներ (և ինչո՞ւ միայն մեր...) արձանագրություններ փորագրելիս երբեմն թույլ են տվել ինչպես տեքստաբանական, լեզվական, ուղղագրական, այնպես էլ թվագրական անճշտություններ ու վրիպումներ՝ ոչ միշտ նկատելով և ուղղելով դրանք:

Արուճի տաճարը ենթարկվել է մասնակի փոքր վերանորոգման, որի մասին հիշատակված է Հուշարձանի հյուսիսային պատին հետագայում ագուցված մի փոքրիկ և անշուք խաչքարի արձանագրության մեջ³⁰: Ուշագրավ է, որ Հուշարձանի վերանորոգման այս արձանագրությունը իր հնագրությամբ զղալապես տարբերվում է նրա հիմնադրման շինարարության արձանագրությունից և հատուկ է իր դարի գրչության, հետևաբար, այստեղ ոչ մի խոսք չի կարող լինել տաճարը X դ. վերագրելու և կամ հիմնովին վերանորոգված լինելու մասին: Հուշարձանի հիմնական պատերի շարքում եղբակոսներով (ՓԱՅԿՈ) մշակված քարերով՝ դրա ապացույցներից մեկն է, որը հատուկ է V—VII դդ. հայկական Հուշարձաններին և VII դ. հետո այլևս չի հանդիպում: Զի կարելի անտեսել նաև Հուշարձանի կղմինդրե ծածկի մասին, որը նույնպես հատուկ է V—VII դդ. մեր Հուշարձաններին:

Այսպիսով, ելնելով Արուճի շինարարական արձանագրության գրչության, հնագրության և լեզվական առանձնահատկություններից՝ կարծում ենք, որ այն միանգամայն համապատասխանում է VII դ. հայերեն վիճագրության ոճին ու ոգուն: Այստեղից էլ իրավացի են նրանք, ովքեր ընդունում են, որ Արուճի տաճարը և նրա արձանագրությունը VII դարի 60-ական թվականների զործեր են:

Արուճի տաճարի շինարարությունը կատարվել է բավականին արագ (մոտավորապես 4—5 տարվա ընթացքում), VII դ. արարների նշանակած Հայաստանի կառավարիչ Գրիգոր Մամիկոնյանի և նրա ամուսին Զեղինեի կողմից, Կոստանտ II (Զերակլի թոռ) կայսեր իշխանության (641—668) 24-րդ տարում, այսինքն 665/666 թ. և Անաստաս Ակոռեցու կաթողիկոսության 5-րդ տարում՝ դարձյալ 665/666 թ.:

Արուճի տաճարի վերը նշված արձանագրության մեջ հիշատակված Բյուզանդիայի Կոստանտ II կայսրն ու Հայաստանի կառավարիչ Գրիգոր Մամիկոնյանը (ամուսինը Զեղինե) այլ համանուն

25 Կ ի Ր ա կ ո ս ի Գ ա ն ձ ա կ ե ց ո յ Պատմութիւն Հայոց, Թբիլիսի, 1912, էջ 60:

26 Գ. Հ ո վ ս ե փ յ ա ն, Խաղրակյանք կամ Պոռչյանք հայոց պատմության մեջ, մասն երկրորդ, Երևան, 1942, էջ 6:

27 Կ. Ղ ա ֆ ա դ ա Ր յ ա ն, Սանահնի վանքը և նրա արձանագրությունները, Երևան, 1957, էջ 179:

28 Կ ի Ր ա կ ո ս ի Գ ա ն ձ ա կ ե ց ո յ Պատմութիւն հայոց, էջ 175:

29 Բերում ենք մեր հավաքածուից:

30 Զ. Ե ղ ի ա դ ա Ր յ ա ն, Գրիգոր Մամիկոնյան իշխանի կառուցած տաճարը և պալատը Թալիշ դյուղում և վերջինիս հնագիտական պեղումները, «Էջմիածին», № 2, 1955, էջ 37: Այդ վերանորոգումը ամենայն հավանականությամբ վերաբերում է Հուշարձանի ծածկի և պատերի վերևի առանձին մասերին, որոնք կարող էին տուժած լինել X դ. տեղի ունեցած երկրաշարժից:

անձնավորությունների հետ նույնացնելու փորձերը հիմնավոր չեն. որովհետև Հայաստանում չի եղել մեկ այլ Գրիգոր Մամիկոնյան՝ կիներ Հեղինե³¹, Եվ ներկայիս տաճարն էլ նույն ինքը՝ Հայաստանի կառավարիչ՝ Գրիգոր Մամիկոնյանի կառուցածն է:

Այստեղ ավելորդ չենք համարում մեջ բերելու Հ. Օրբելու մի վրիպումը ևս, որը վերաբերում է Արուսի հիշյալ վիմագրությանը: Նա մի պահ շփոթելով այն, որ Ներսես Տալեցուց (641—661) հետո Անաստասն է բարձրանում Հայաստանի կաթողիկոսության գահի վրա և ոչ թե Իսրայելը, գրում է.

«Արուսի արձանագրության թվագրության մույթ հարցը, ավելի ևս մթազնվում է վարդանի և Կիրակոսի մեջբերումներով, որոնք վկայում են Արուսի տաճարի շինարարությունը Անաստասի կաթողիկոսության շրջանում, Կիրակոսի խոսքերով ասած՝ նրա հովվության 5-րդ տարում: Ի միջի այլոց արդեն 667/8 թ. Հայաստանի կաթողիկոսն էր Իսրայելը: Չգիտեմ ինչու, Մեսրոպ արքեպիսկոպոսը Իսրայելի մահը վերագրում է 671 թ.: Իսրայելի կաթողիկոսության սկիզբը նա իրավացի կերպով համարում է 661 թ. (ավելի ճիշտը կլինի 661/2 թ.), և եթե նկատի ունենանք այն, որ Իսրայելի հովվությունը տևել է 6 տարի, հետևաբար նրա մահը համընկնում է 667/668 թ.»³²,

Այնուհետև անվանի գիտնականը զգալով այդ վրիպումը՝ Վ. Թալինի VII դարի Աստվածածին տաճարի շինարարական արձանագրության առթիվ իր հետագայում գրած աշխատության մեջ պատշաճ կերպով ուղղում է այն³³:

Արուսի տաճարը հայկական միջնադարյան ճարտարապետության ամենահույսկապ «Գմբեթակիր սրահ» (kuppenshalle) հուշարձաններից մեկն է, հնագույններից մեկն ամբողջ Անդրկովկասում: Այն կառուցված է VII դ. Հայաստանի կառավարիչ Գրիգոր Մամիկոնյանի և նրա ամուսին Հեղինեի կողմից 665/666 թթ.: Ուշագրավ է, որ հուշարձանը հենց սկզբից էլ կոչվել է «Կաթողիկոս», Վերջինս բացի գլխավոր կամ մայր տաճարի իմաստից, ունեցել է նաև «Գմբեթակիր» հուշարձանի իմաստ:

ПО ПОВОДУ РАСШИФРОВКИ СТРОИТЕЛЬНОЙ НАДПИСИ АРУЧСКОГО КАФЕДРАЛЬНОГО СОБОРА VII ВЕКА

А. Н. ШАГИНЯН

Р е з ю м е

В статье рассматривается датировка строительной надписи Аручского храма, давно ставшей предметом споров. Автор путем разбора содержащихся в надписи исторических сведений и особенно сравнительным анализом палеографических особенностей букв и изменения их форм в течение V—X вв. устанавливает, что надпись подлинная и датируется 60-ми годами (665—666) VII в.

³¹ Հեղինե իշխանուհին՝ Մեծ հայքի տիկինը, Աղվանքից էր և Գրիգոր Մամիկոնյանի՝ Հայաստանի կառավարչի ու զորավարի ամուսինը: VII դարի 70—80-ական թվականներին Աղվանքի մեծ իշխան Վարդ-Տրդատը Իսրայել եպիսկոպոսին ուղարկում է այս Գրիգոր Մամիկոնյանի և նրա ամուսին Հեղինեի մոտ՝ ս. Գրիգորի մասունքից մի կտոր տանելու Աղվանք, Հայաստանի կաթողիկոս Սահակի օրոք: Տե՛ս՝ Մ ո Վ ս ե ս Կ ա դ ա ն կ ա տ վ ա ճ ի, Պատմություն Աղվանից աշխարհի, Երևան, 1969, էջ 153, 183, 184:

³² И. А. Орбели, Избранные труды, стр. 404.

³³ Նույն տեղում, էջ 437: Գ. Զուրինաշվիլին Արուսի տաճարի կառուցումը վերագրում է X դ. վերջերին, հենվելով նաև Հ. Օրբելու այս և վերոհիշյալ նման վրիպումների վրա (տե՛ս Գ. Н. Чубинашвили, Разыскания..., էջ 114—116):